



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conferentiæ Theologico Morales

Compendiosè propositæ ac breviter resolutæ Ad Usum Directorum
Conferentiarum Hebdomadalium ... DD. Parochorum, Curatorum,
Confessariorúmque omnium

Ex Materia De Actibus Humanis Excerptarum

Sargar, Elisaeus

Augustæ Vindelicorum, 1720

Conferentia XLIX. Quando committatur peccatum indirectè voluntarium ?

urn:nbn:de:hbz:466:1-41214

CONFERENCE XLIX.

Quando committatur peccatum indirectè
voluntarium?

69. Sensus quæstionis est, an (quando potitans
v. g. advertit se ulteriori potu inebriandum,
& insuper expertus scit, se in ebrietate solere rixari
& occidere, nihilominus ulterius bibit usque dum
inebrietur, rixetur, percutiat & occidat) tunc peccet
mortaliter, quando in ebrietate incipit rixari, percu-
tere & occidere, an verò pro illo priori, quo intelli-
git se talia solere patrare in ebrietate?

RESOLUTIO: Peccatum indirectè volunta-
rium tunc committitur, quando culpabiliter posi-
tà, vel non ablatà causà effectus prævidetur, & non
tunc, quando re ipsa sequitur. *Ex communi Laym.
hic tract. 2. c. 3. n. 5.*

Probat: Quia pro illo priori adest adhuc ra-
tio, adeoque capacitas peccandi, pro posteriori ve-
rò tempore ebrietatis perfectæ nulla amplius adest
ratio sufficiens ad peccandum, nec consequenter
voluntarium: igitur tunc peccatum indirectè vo-
luntarium committitur, quando culpabiliter posi-
tà causà effectus prævidetur. Unde

Sequitur I. Qui vesperi decumbens voluntariè
vacat turpibus cogitationibus, prævidens & exper-
tus sciens in somno secuturam pollutionem, tunc
quidem peccat mortaliter peccato impudiciæ &
mollitiæ; & non amplius quando postea dormien-
ti huiusmodi turpitudine contingit. II. Qui die
dominico vel festo manè vino cremato se volun-
tariè inebriat, & somno dat, prævidens omninò sa-

crum negligendum; proinde tunc peccat contra præceptum Ecclesiæ, quando se inebriat, non autem cum dormit & negligit audire sacrum. III. Quando venenum propinasti: lapidem projecisti; sagittam ejaculatus es (etiam directa occidendi intentione) non tunc primò peccas, cum effectus sequitur, sed dum liberè ponitur causa, aut non auferitur. At contrà

Dices: si non peccatur amplius tunc, quando effectus sequitur, quare ergo talis in confessione teneatur se accusare, se homicidium perpetrâsse? sacrum neglexisse, &c. R. Id ideo requiri, ut intelligatur gravitas peccati commissi, quantum nimirum fuerit periculum, cui se operans exposuit; tum etiam ut intelligatur obligatio contracta restitutionis, censuræ, irregularitatis, &c. quia hæc etiam post confessum ac remissum peccatum remanent.

Unde notat bene *Patrit. noster hic n. 25*. Opinione Suarezii speculativè tantum probabilem esse, videlicet eum, qui tegulam ex tecto projecit cum periculo præviso occidendi hominem, satisfacere, si hoc ipsum fateatur in confessione, nec debere exprimere, quod mors secuta sit: quia tunc solum peccavit, quando causam posuit, non verò postea, quando non est amplius in potestate, quin effectus sequatur, licet vel maxime vellet impedire; ideoque in se & coram Deo neque majus, neque minus peccatum videtur, sive effectus sequatur, sive non.

CON-